


الشاعرة عواطف درويش



### عواطف درویش

### عاشقة السفر ويًا القمر

أشعار

صدرت الطبعة الأولى في فبراير 2019

#### بطاقة الكتاب

عنوان المؤلف	عاشقة السفر ويًا القمر
المؤلف	عواطف درویش
التصنيف	اشعار
رقم الإيداع القانوني	2019 - 4791
الترقيم الدولى	978-977-85390-7-3
عدد الصفحات	108 صفحة
رقم الإصدار الداخلى	345 الطبعة الأولى فبراير 2019
المقاس	20X14
تصميم الغلاف	صلاح عبد الخالق

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من المؤلف



رفصة مراولة مهنة:58365 - سجل تجاري: - 2017 / 2017 - بطانة ضريبية: 55 - 57 - 572 - 2017 عضو عامل باتحاد الناشرين المصريين رقم 941 لسنة 2018 020554372901 عيناكس: 0120554372901 عيناكس: 0120554372901 عيناكس: 0136554372901 ع

# م وية الناشر

(عاشقة السفر ويًا القمر) عنوان جامع لمزج من العشق بين قرينين متلازمين هما السفر والقمر وبينهما متشابهات وأطروحات جدلية لعشق لا يناله ولا يشعر به إلا المبدع الفنان الذي يربط مابين تراس الأحداث وتتابعها في السفر والمشهد اليومي للقمر بمراحله المختلفة،

والشاعرة عواطف درويش شاعرة رقيقة المشاعر مرهفة الحس تعيش بقصائدها أحداث المشهد لحظة بلحظة وتسجلها شعرا فتجد في أشعارها العناوين المتباينة لقضايا مختلفة من قضايا العصر سواء أكانت ذاتية بحته أو متصلة بالأحداث الخارجية التي تتأثر بها وتؤثر فيها ، فتجدها عاشقة للوطن عندما تكتب عن بلادها ، فتصيغ قصائدها من روح الإنتماء للوطن ، وفي النهاية نحن أمام كتاب قيم بمشاعرة المتدفقة وموضوعاته الماسة للمشهدين الحياتي والذاتي وهو إضافة للمكتبة العربية

#### ناجى عبد المنعم

### الإهداء كا

أهدي كلماتي البسيطه لروح والديّ فهم من علموني،، كيف أحيا بالحب والتسامح والغفران أكرم الله تراهم،، واسكنهم الفردوس الاعلى،

واهدائي الخاص لمن ملكوا قلبي بحبهم أولادي وأحفادي وأهلي واحبابي بارك الله فيهم وفي كل من ساندني لميلاد ديوان (عاشقه السفر وياه القمر) وكذلك توءم روحي الاديبه الجميله جميله الروح والقلب كارمن رحال وكل الشكر والتحيه للجميع .

عواطف درویش



## م قرائى الأعزاء كا

من وحى خيالى ،،، سبحت أحلامى لذا قولت كلامي،،، ونسجته أغاني تدخل لقلوبكم ،،، تفهمها عقولكم أطلقت عنائي ،،، وبسحر كلامي توصلوا بخيالكم وتشوفوا احلامكم تلمسها قلوبكم أيوه بخيالكم وتلفوا العالم جوه بأشعاري كلمات و معانى ،،، لقصص مختلفه ها نلاقي العبره ،،، نستخلص حكمه نتعلم منها ،،، ان الحياه والنفوس لاترتقى الا بالاخلاص والصدق والحب والموده والرحمه. وإن الدنيا أسمى مافيها ،،، هو الحب والصدق مع النفس وإن الحب ويا الرحمه أجمل زينه تزين النفس. ولكى نحيا ونعيش بأمان نزرع بذره حب جوه نفوسنا تطرح ،،، ثمره حب فيها كرام للانسان

عواطف درویش

## م بدون ملام چ



بدون ملام ،،، سكت الكلام إتكسرت كل الحروف قدام عينيك ومن عينيك فاضت عينيه بالدموع تسقيها روحي لحضن روحك بدون ملام ،،، سكت الكلام اتكلمت أحاسيسي أيوة اتكلمت ف حضن قلبك لمست قلبي دابت مشاعری



هزت كياني ضميت عيونك ،،، جوه عيوني طميت خدودك خلت خدودى ،،، تروح لدنيا حلمت بيها من صغر سني من صغر سني بدون ملام ،،، سكت الكلام اتحركت كل المشاعر اتحركت بكل قوة بعد ما كانيت

من عمر فسات وايا اللي فات خلتنى عايشة جوايا ثورة بركان مشاعر لهيب بيحرق نارالحسود ،،، ويّا العزول يقولوا مالها؟ عيونها لامعة ،،،خدودها وردة! يقولوا عاشقة أصل الهوى يخلى صاحبه ،،، سلطان زمانه

بدون ملام ،،، سكت الكلام لا الزمان ،،، ولا المكان يفرق معايا مدام حبيبي ،،، ونورعنيا راضى على جوايا راضية متحمله كل الهوان ويّا الصعاب تفوت تعدى زى السحاب تمشى سفينة حبنا في بحرهايج ،،، وموجه عالى تقوللي إهدى خلاص رسينا بر الأمان

على شط قلبك
رست سفينتى ،،، بدون ملام
إتكسرت كل الحروف
مش باقسى منها
غير كلمة واحدة
إنى بحبك
كتبتها ،، وزرعتها ،، ويّا الدفا
بحضن قلبك ،، روتها أيوه
بدم قلبى
ما هو إنت قلبى



#### سجينة أنا

بلا أســوار ،،، والجدران تقيدني ولا أغــــلال تسلسلنـــــى حبيسة الأطلال رافضة لقلبى ،،، متمردة عليه

حائرة أنا أتساءل

حائـــرة

كيف تسللت

الى قلبىسى ونفسى ووجدانى

مع تلك القيود؟



حائرة أنا أتسأل

هل كنا على موعد مع القدر؟

أم موعد مع الحياة ؟

ملکتنے

وملاً كتنى ،،، مملكة قلبك

جعلتنى أميرة على قلبك

في مملكة العاشقين

أذوب شوقا وحنان

تسحرنى نظرة عينيك

تضمنى ،،، تزلزل قلبىي

أتحرك شوقا وهياما أغرق ببحور العاشقين أغرق ببحور العاشقين سجينة أنا بلا أسوار ،،، ولاجدران تقيدنى سجينة لقلبك العاشق الولهان وماعدت أتسال كيف تسللت الى قلبى فملكت لعاشقين





لما كنا صغيرين ،،، شوفت دنيا دنيا تخطف ،،، الروح والقلوب العيون ،،، جوه العيون و الزهور ،،، و الورود متفتحة كنت وردة وهو عصفورع الغصون كنا نملا دنيا فرحه جوه شط البحر تضحك عيونا نلمح شعاع جواه ياقوته فرده سلاسل من ذهب تسحر عقولنا

نحلم ونحلم نبني قصورع شطنا برمل أصفر ،، ويا ودع جوه الزحام بلا وداع إختفي إختفي ويا السنين توهنا ولسه ساكن جوانا الحنين صبحت طير بلا جناح كللي جراح بتمنى يرجع تطيب جراحى بحلم بيوم يجمعنا من تاني الزمن يمسح الدمعه الحزينه اللى ساكنه بالعيون

بيوم بصدفه كان اللقي بعد سنين فيها الحنين حسيت بفرحه ويا خوف من السنين ولا الانين جه وسلم من غير ما أسلم لقيت عيونه جوه عيوني سلمت نظره عيوني كانت صريحه فيها عتاب رد وقال بلاش عتاب ويا البعاد حبى قوى تعاللي عندي بحضن قلبي ويا الدفا انتهى زمن البعاد

## مشتاقة ليك

من غير لوم
ولا قالوا وقولنا
اه من لوعه الاشواق
روحي وروحك
دايبين دوب
من غير ليه
مشتاقه اليك
بشوف الدنيا
جوه عنيك
روحي طايره

تنادي عليك



بعدك عني مش بإيديك عارفه وحاسه حاسه بلوعه الاشواق عایش ،،، عاشق نظره عينى ساكن قلبي ،،، بتجري بدمي عشنا بدنيا او بلاخره دي أرواحنا عايشه وهايمه تحب وتعشق جوه بدونية العشاق من غير لوم ولا قالوا وقولنا

هو العشق لوعه ونار ناره ماتحرق ناره تبرد قلب العاشق والمعشوق من غير لوم ولا قالوا وقولنا روحي وروحك دايبن دوب جوه بدنيه العشاق قولنا يارب يوم تجمعنا جوه بجنة العشاق

# م رساله الله



رحاله أنا عاشقة السفرويا القمر بين السحاب ملو الفضا رحاله انا بدون جناح مع الجراح رحاله انا أغوص بين الرمال أشدنى الذكريات بين الدموع مالو العيون ويا الاهات

رحاله انا في بحور عذاب بدون أحبه رحله طويله من الحياة ولا العذاب نسیت حیاتی وذكرياتي ودنيتي فی رحلتی ما هي دنيا مالحه وناسها سارحه جوه بحورها ترمى شباكها تتمنى فرحه جوه بقلوبها

جوه شباكها تلاقيها طارحه حسره ومرارة معدتش فارقه لا طعم ليها ولا فرحه فيها هى الحقيقة دنيا مصالح في بحر مالح رحلة طويلة ما بین مناهدة وبین مثابرة رحالة أنسا عاشقه السفر ويا القمر

## چ صخرتی چ




علي صخرتي قاعده انا ويّا حنين بين البحروالموجة والذكريات وياه الأنين أحلم بطيفه يجري عليا يضمني فوق للسحاب من ايديّا يشدني أفتح عينيا للسحاب ألاقى نفسى بين البحر والموجة والذكريات وياه الأنين

على صخرتى
قاعدة انا ويّا حنين
متشوقه متلهفة
أقول لمين لنور العين
قلبى يحس خطوته
أتهلف رؤيته
ويّا رعشة لمسته
كلي حنين
احلم واقول
ممكن يعود ،،، يلمس ايديتا
يشوف عنيّا ،،،يحس بيّا

الحب انت كلمته ودنيته القلب القلب القلب القلب انت رؤيته و نبضته اروح للحظة ،،،لحظة حلوة عشتها في دنيتة أفوق وأصحى على ذكرى مُرة فيها ندم ويّا اهات وبحور دموع و بحر هايج

وموجة جاية ،،، جاية بتجري تهزني علي صخرتي تقوللي إصحي تقوللي فوقي تقولي فوقي دي ذكريات من عُمر فات على صخرتى قاعدة انا ويا حنين علي صخرتي علي صخرتي الحطمت أحلامي ،،،ايــوا وتاه الحنين





اللحظه دی ،،، هیه میلادی
سمعت صوت ،،،لحن جمیل
رن ف ودانی ،،، صحا وجدانی
دقدقه جوا قلبی
وب فرحتی
حسیت بنفسی ،،، مش أنا
اللحظه دی
هیه میلادی
حسیت ب عمری
بیتولد
بیتولد

سمعت صوته مرتین فی کل مره أحس إنی أعرفه قبل میلادی قبل میلادی شوفته بقلبی شوفته بقلبی رسمت صورته ،،، جوه ب خیالی کلمت قلبی ،،، قاللی اوصفیه حسیته طیر ف سمایا فارد جناحه ب السما بهر العیون

طله بهيه من حسنها طل القمر وغنا سمعت صوته بلبل مغرد ب السما كروان يسبح في الفضا و بفرحتي حسيت ب عمري بيتولد بيتولد

## م وانت بعيد

بعید بعید ،،، وانت بعید بحس إني ف دنيا تانيه عايشه وحيده ف دنيا بعيده دنيا غريبه وانت بعيد ماقدرش ابدا ياحبيبي أعيش وانت بعيد مش لاقیه نفسی وان قولت قلبى بحس روحي تايهه بعيد ساكنه بروحك جوه ظلك ولا مره قلبك يقول فاكرنى ،،، آسى عليا أقول ناسيني ،،، أيوه ناسيني

وف البعاد اصرخ
وأقول أهين وأه
وألف أه ع عمر ضاع
ف البعاد ويا العناد
ناديت عليك
وقولت فين اللاقي نفسي
وياروحي جوه روحك
دايبه فيها
يا منايا ياسمايا
جوه حضنك بلقي نفسي

زی نجمه ف سما وسط الصحاري منوره کل طریق جوه قلبك بلقى نفسى ونفسى أهدي باقى عمري كله ليك ،،، ايوه ليك وانت بعيد إن قولت أعيش أيوه بعيش بس مفيش بعشتى لون ولا اي لون غير رتوش بحلم بلمسه تضمنا يرجع للي من تاني الهنا نملا الحياه انت وأنا حب هنا

## م عشت عمری چ



عشت احلم ،، ويا عمري شوفته طاير ،،، ويا قلبي يوم لقلبك كله فرحه ساكنة قلبي والاحبه بحضن قلبي وحس نفسي ويا نبضي ما انت نبضى وكل عمري یا منایا عیش معایا باقى عمري اللى اتولد لحظه لقاك من عنيك وف ايديك شوفت عمری بین ایدیك

حسیت بروحی

جوه روحك ،،، طايره ،، حايره

ف سما العاشقين

ودنيتي صبحت جميله

وياحب ،،، احلي حب

كلي شوق وياحنين

اتولد لحظه لقاك

وف لقاك

تاهت العيون ويا القلوب

لما عيونك

حضنت عنيا لمست ايديا

روحت دنيا بالغرام والهيام

جوه قلبي دوبنا دوب

لما داب فينا الهوى

لحظه لقاك

#### ما اقدرش چ

ماقدرش أنسى حبكم ماقدرش أعيش بعيد عنكم ما أقدرش عنكم عوازلى ،،،سألونى ياحب عمرى ،،، وقالوللى ليه الحبايب هجرونى بعد اللى فات والذكريات ويا الآنين

أقول لهم مستحيل ينسونى دى كل خطوة بخطاوينا دى كل خطوة بخطاوينا ليها علامة بأراضينا وسماها شاهده علينا للمسة إيدينا ونظرة عينينا أشواق وحنين لحظة لقى ولا أنين والدموع ملو العيون بتنزل ع الخدود تنزل معاها الهموم

ألاقى ضحكه منوره جوه العيون أضمها جوه الجفون أقول حبيبي إنت عيوني ودنيتي إنت آهاتي وسلوتي وعمرى ما أنسى دنيتى ولا سلوتى أنسى حبكم ؟ ما أقدرش اعيش بعيد عنكم ما أقدرش

## م عد تنازلی ا

هاعد خلاص تنازلی قرب خلاص وقت السفر الفرح فیا انکسر وجه الخریف ع الشجر ویاه شجن جوا ب قلبی ولاقلبی حس بفرحته نفسی أاقوله کلام کتیر ،،، جوا عیونی ها عد خلاص تنازلی قدمت کل تنازلی

لحظه لقأك الوقت فات أيوه خلاص الوقت فات لوعليا أمسك الايام احضنها بإيديا انكسر فيا الفرح ملحقتش افرح ولا قلبي حس بفرحته جه خلاص وقت السفر حسيتني تايهه مش لاقیه حتی خطوتی مملکش غیر دمعتی وقلب انكسرفيه الفرح

#### م فسراق الله

ر يق بريق

الدنيا دنيا لقى ولا فراق؟ قالوا فراق ،،، دنية فراق مهما اتقابلنا واتجمعوا كل الأحبه لابد يوم من الفراق ها نفترق جوه الطريق بدون رفيق ها ييجى يوم من بعد يوم من بعد يوم تبقى المسافه بينا سنين

وآه یاعینی علی الضلوع علی الأنین بین الضلوع لفراق ضنی ،،، ولا أحبه اتفرقوا علی الطریق نقول نصیب نقول نصیب حتی اللقی برضه نصیب الفرقه نار تحرق قلوب تطفی شموع جوه قلوب ویا فراق من السما لبی الندا بدون کلام

بكره الندم يملا النفوس على عمر ضاع جوه الطريق وياه الفراق أرجع وأقول عيشوا الحياه بدون فراق بدون فراق لأنه جاى ولامحال من الفراق

### اخاف تنسانی ا

ب حبك ،،، نورت الدنيا والشمس طلعت ب سمانا رجعت لى نورت الدنيا رَاجّعت لي فرحة لياليا ع البُعد يقدر مين فينا حيرانه صوتي بينادي جوايا حاسس ب مرارة الفرقا في البعد ف النداهة ويّا ضباب في العين والقيل بالعين والول بالعين والو

وها تسرق قلبك نداهة وها تتغير بكره معاها ايوه أنا خايفه راح تتغير تأسى عليا وكمان تهجر بكره تقول ده مش بإيديا دى النداهـه هيه اللي خادتني في بعادك الدنيا ظلام فيها وساوس ويّا شيطان فيها مرارة ويّا مذله علشان قلب حب وصان

راجع تانى
تقوللى مفارق
أنده ومين يسمع ندايا
الفرقه نار
تحرق قلوب العاشقين
قالوا زمان
كل شئ وله ثمن
وللفراق أيوا ثمن
بيندفع من عمرنا
من عمر ضاع
ويا الفراق

جوه الفراق شمسي تغيب ويّاه ضباب جوه القلوب والنفوس حلفتك بالغالى ياحبيبى حلفتك بالغالى عليك بلاش فراق ويّاه بعاد ارجعللى نوّرلي الدنيا

### بيهدد بالإنسحاب

جای یقول إنسی اللی فات والذكریات المؤلمة والذكریات المؤلمة تعالی عندی ف حضن قلبی ویا الأمان حلفتلی وقاتلی یادنیتی یا حب عمری یاز هرتی یا أرق زهرة بدینیتی دا قلبی قلبك دا انا كلی ملكك ضمیه لقلبك

هاتى إيدك اتعاهدنا وتواعدناع الإرتباط شاهد علينا نظرة عنينا و رب کریم ف لحظه مُره مرت عليا جاى تهدد بالإنسحاب تقول خلاص أسف قوى ما أقدرش اكمل لأنك إنتى مشكله وجت منين المشكله من قلب حب حب بضمیر

صان العهود ويا الوعود مش زی قلب خان العهود ويا الوعود جاى تهدد بالإنسحاب جبت النهاية ،، قبل البداية دمرتنی جرحتنی وقلتلي یا حب عمری یا زهرتی أسف قوى ماأقدرش أكمل لأنك إنتى مشكله الحقيقه هو انت المشكلة

## مش ها اسمح لك



مش هاسمح لك يوم تهدمني او تهاجمني مش هاسمح لك علشان انثي ربي خالقني ومكرمني أيوه خالقني أيوه أنا منك أيوه أنا منك جيت من ضلعك أيوه أنا نفسك مسش هسمح لك يوم تهدمني أو تهاجمني

أي ديانه فيها سماحه فيها الرفق بالقوارير لو أنا زوجتك يعني موده ورحمه كمان ولا أنا أمك باب للجنه والغفران لو أنا بنتك دمك يبقي بيجري بدمي آیا ان کنت أيوه أنا نفسك أيوه أنا منك ليه تهدمني أو تهاجمني

مــش هاسمح لك لو القسوه دخلت قلبك قلبك مات دخله الكره حتي لنفسك تصبح عشتك نار ومرار مــش هاسمح لك يوم تهدمني او تهاجمني مش هاسمح لولادنا كمان يعيشوا ف نار ولا مرار ولا دمار زمن سي السيد وللي خلاص

هيه أمينه ثارت لحقوقها ضد الظلم نادت بحقوقها المشروعه بشرع الله رب الكون خلق الانثي ومكرمها حفظ كرامتها وياحقوقها مش هاسمح لك يوم تهدمني او تهاجمني إنت الراحة ،،، قلبك واحه بل الحنيه ،،، لقمه هنيه تملك قلبى تعيش بسعاده

أيدي بإيدك ،،، نبني نعللي نعيش ونعشش ،،، ع اسرتنا نملاها حب ،،، ويا محبه إحنا القدوة ف الاخلاق نربی ،، نعلم ،، نغرس بذره حب ونحصد ،،، ثمره حب فيها كرامه للانسان تبقي فخور بالواحه وثمارها إنت الراحة ،،، قلبك واحة یعنی حنان ،،، مش حرمان مش هاسمح لك یوم تهدمنی او تهاجمنی

### م اتوجع الله الم



قلبى اتوجع طال الشتا الليالي والبروده والقلوب متجمده قلبى اتوجع م الإنتظار بيتنا ليه كله شتا كله ضباب ليله طويل حتى سماه برق بيرعد جوه القلوب قولت لنفسى ده المكان کان فیه زمان الأحبة والصغارويا الكبار متجمعين وسهرانين

الضحك بيهزالمكان أصحى أفوق ،،،اقول غيوم لابد يوم تنتهى كل الغيوم أخدت إيه من السنين غير الدموع وحسرتى جوه النفوس قلبى إتوجع م الآنين بين الضلوع ويا مرارة وحشرجة جوا النفوس أجرى أدورع الأحبه اللي هما حته مني احلم بيوم ما كانوا لسه مولدين

وهما لسله ما بین ایدیا مسلمین لحضن دافيء جواه أمان كانوا ليه مسلمين كبروا خلاص ومهما كبرواه يفضلوا جوه عينيا مولدين قلبى اتوجع م الشتا بحلم بيوم يتولد فيه الربيع نحلم بشمس منوره جوه النفوس جوه القلوب

نحلم ونحلم
ولاخلاص بطلنا نحلم
خافت عيونا لحظه تنام
قلبى اتوجع
طال إنتظارى
للربيع بعد الشتا
للربيع بعد الشتا
يتولد ربيع مزهر
تنشرح فيه الصدور
والاحبه متجمعين
والشمس تسطع

## م آسفه خلاص

إعتذاري ليك يا قلبي م اللي خان حبك ياقلبي أسفه خلاص قلبه خلاص مات و إنتهى حبه بقلبي قلبی خلاص قرر خلاصی وحكمه بات ع قلب مات فاكر زمان ،،، تفرح تدق لحظة لقى ،،، ولا آنين ولا الإيدين متشوقين للمسته آلاقی نفسی ،،، ف دنیته ولا العنين متلهفة لرؤيته تلاقى ضحكة بالعنين

قلبي خلاص ولى خلاص بكره الندم يملى عنيه ع السنين اللي جرت م الإيدين ترويه مرارة السنين ويا الآنين واقول خلاص ،،، قلبه خلاص راح وانتهى ولا أي ذكري صبحت بقلبي قلبه خلاص راح و إنتهى قلبي إسى ،،، وكمان نسى

اللى فات و الذكريات

ولاحتى فاكر ،،، حبه ليه هيجي يوم ،،، يرجعلي نادم يتمني لحظة ،،، يترجى قلبي أقول خلاص قلبي إسى وكمان نسى مرت سنين مرت سنين ويا مرارة من الآنين علمت جوه النفوس علمت جوه السنين

إتسرق مني الفرح عجز القلب اللي كان نابض وعاشق للحنين عجزت وياه سنين لا فرح عاد يفرحه ولا حزن عاد يفرق معاه آسفة خلاص حكمه بات ،،، ع قلب مات

### م ولى خلاص چ

راح فين زمن الإخلاص؟

ولي خلاص زمن الإخلاص

وقت اللقى حلفتلى و قولتلى

إنتى الحياه ويّا الأمل

وقت اللقى

لقيت روحى بتجري

بتسبق الأنفاس

تداعبها بنظره حب

تنسجها بخيط من ماس

ولى خلاص زمن الإخلاص

راح فین حبك لیا

راح فين خوفك عليا

إنسى يا قلبى كفايه خلاص

إنسى تدورع الإخلاص

اللي جرحني ،،، أعز ماليه

قال سامحینی ،،، مش بایدیا

إتمنيته أنا وهويته

زی ما قلبه برضو هوانی

إنسى ياقلبي ،،، كفايه خلاص

إنسى تدورع الإخلاص

لو جه طيفك ،،، يوم ف منامني

ه حرم جفني ،،، يهوى النوم

و هـ قول جفني ،،، خاصم النوم

أنسي يا قلبي ،،، انسي خلاص

انسي تدورع الاخلاص

ولى خلاص

زمن الإخلاص

## جه قرارك ه

انسحابك ده قرارك مش قراري يوم لقاك لمسه ايديك ،،، ويا سلامك لمسه بارده وف وداعك حسيت بغدرك جوه عيونك ،،، مش مداريه نظره اسيه ،،، مش مداريه سألت نفسي الخيانه

جوه دمك ولا طبعك ؟

مشيت كأنك لا شوفتني ولا حتى يوم عرفتني ظلمتني هجرتني ولا قولت باقي عشرتي عشرتي عشرتي لو كنت يوم خاصمتني ولا جيتني مره وحايلتني ان كنت باقي ع حبنا فين العتاب بين الاحباب ؟ بالعتاب تزيد وتغلي بالعتاب تزيد وتغلي

ليه الاسي اللي رسي ب القلوب وف العيون بدون كلام ولا سلام تمشي وتأسي تهجر وتنسى وتروح ما ترسي ايوه سفينه حبنا عرفت انك انك بايعني بدون ثمن لاصبحت منك ولا انت منى صبحت حكايه حدوته خلصت ماكنتش صادقه فيها القلوب

حتي المعاني زي الاغاني كنت كتبهاع سطح ميه مسحتها موجه وراها موجه محت السطور م الصدور كان انسحابك هو قرارك وجاي لي تاني تقول لي نادم ع اللي فات والذكريات قولت خلاص قلبي اسي دفع الثمن تاب و ندم ع السنين اللي ف هواك راحت بلاش

# سامحینی یا أمی



أقول أمى نبع الحب
من نظرة بتفهمنى
مهما أقول من معنى
مافيش معنى
يوفيها سهر ليله
وهلى بتدى م صحة
وم روحها بكل الحب
بطيب خاطر علشان خاطر
أشد العود ليوم موعود
وأكون حاجه وليا مكان
فى كل مكان

أقول سامحينى يا أمى
يا أطيب قلب
غاطت كثير
وكان صبرك عليا طويل
يا نبع الحب
أقول سامحينى يا أمى
خادتنى الدنيا بين منصب
وبين زوجة وبين أولاد
وأمى بترسم الضحكة
وبتدارى ف دمعتها

أقول سامحينى يا أمى ده انتى الروح انا بيكى وانا ليكى ومن غيرك كلى جروح يا ست الكل يا ضمه الكل بقلب كبير أقول تانى ومن تانى عيرك إنتى يسامحنى قولى لى مسمحاك


#### ابين زين



أبين زين ،،، أبين زين أنا شادية أشدو وأجول أبين زين ،،، أبين زين أبين زين الشوف اللي إنكتب في العين في العين إرمي بياضك يا صبية وشوشي الودع واتمني اللي ف جسمتك ونصيبك لابد حتما يصيبك أبين زين ،،، أبين زين

صلى على الحبيب يا صبيه م نور جماله شمس لا تغيب جدامي طريق مفروش زينة ملألأه و ورود شايفه عروسه زين ماليه جلبك الفرحة لابسه فستان وطرحه وخي وسيم داخل جوه عتبتكم ومليه قلبه الفرحة وجايب أهله يناسبكم متشوقين للعروسه الزين

فرحتهم ملو العين كله بأمر الله افرحي ياصبيه دارى كسوفك بالطرحه جوه عینیکی حطیه وادعى لخالتك شادية انده وأجول أبين زين ،،، أبين زين واللى من نصيبك لابد حتما يصيبك أبين زين ،،، أبين زين أشوف اللى انكتب بالعين





من كل قلبى بقول يا قلبى يحميكي ليا يا نورعينيا فتحت عيني ع ابتسامه ونظره منك بتحتويني يارب خلى ست الحبايب بصحه دايمه تحبی حبه تشدی حبه لقيت محبه وقلت إنتى أغلى الأحبه یا نور عینیا بدعوه ليه ف الفجرية خلت حیاتی صبحت هنیه

تهلى علينا بالفرحه وجوه الطرحه تدارى دموع من الأيام مع القسوه بين الأحباب وطول غياب من الأولاد بعذر وعذر و مليون عذر تغفر تسامح تقول يارب نور طريقهم ماهيه أمى ست الحبايب يحميكي ليا يا نور عينيا من كل قلبي باقول ياربى خليها ليا تفرح وتسعد ماهيه أمي ست الحبايب

### م عسواد ا



بين الخضره والميّه عواد أنا على عودى لحنت غنوتى لمست عذوبة الألحان رسمت خطوتى ممشوقة الأوتار عشت الحياة لحن جميل من ألحاني قسمتها جوه النفوس بين الطفوله والصبا وزعتها ألحان جميلة بعودي

هزت قلوب العاشقين قسمتها وزعتها ع عودى طلعلى منها تابلوه جميل قلت إنتى مين يا سانيورا ؟ قالت لى عاشقة أنا عشقتك ف صوره من ألحانك خلتنى أقول آهين وآهين واهين يانا من أنغامك قلتلها عواد أناع عودى قالت لی خلتنی أرقص بألحانك

عشقت جمالك عشقت جمالك ف عودك وترانيمه عواد أناع عودى رديت وقلت يا سانيورة أنا أصلا عاشق الصورة صنعتها من عودى مابين الخضره والميه عواد أناع عودى

# ه فلاح يسبح ه

الله أكبر ،،، الله أكبر عصفور يغرد ،،، كروان يسبح فجر يشقشق ،،، ويّاه الصباح بنور منور شافت عينيا فلاح يسبح

يقوم يصلى وقت الآذان الاقي فرحة و نور منور وبسمه طله جوه عيونه أبويا أيوه فلاح بسيط شاكر لربه ،،، صاين لأرضه

آذان يوذن



يجرى بسرعه ع زرعته ألاقي أمي سنده و كتفه بالأكل جايه ،، بشوشه فرحة تساعد أبويا بكل فرحة يزرع ويقلع ف أرض رابحة تطرح ثمارة بكل خير شاكر لربه الاقى جنه قدام عنيا اقول ياربي أرضه دي جنة ؟ ايوه دي جنـــة فيها ثمار من كل لون ملیانه خضرا مشاء ربی

یارب خلی أبویا دایما دا نور عینیا دا دنیتی لأنه سندی وهو ظهری وعزوتی أغلی الأحبه بیشقی دایما علشان نعیش ولما یحصد یفرح بحصده یشکر لربه ربه کریم

### السبوع ،



سبحان ربــــى وهب الصبي ويا الصبيه سبحان ربــــى سمىي وصلىي شيلى واتمنىكى قوللى ياربى هل هلالــــــى قولت\_\_\_\_ي دى لحظة منسيه جه الصبى ويّا الصبه

بخروه وغربلـــوه وللهون سمعـــوه وغنوا معسايسا دی ســـت لهـا والبنت لها وقرنفلها ع العيدان وليها أوصـــه مرصوصه رصـــه اللـــى خلقهـــا الرحمين وليها دبوس کله مرصــوص دهب ومرجان

الكل أبوه غضبان كان نفسه في الصبيان ولما قالـــوا دا ولـــد إنشد ظهرى وإنسند وانسند بالصبى ويا الصبيه هيه الصبيه کلها حنیــــه ايـــوه الصبيـــه كلها حنيه

هللت من الفرحله وجبت فستان وطرحه لبنتى فرحتى ،،، ماهيه ودنيتى قلبى ومهجتي لولا الصبيه ماكنتش أمــــى ولاحتى أختىي ولابرضه زوجتى ولا بنت بنتسى أصل الحكاية هو الولد هو الولد أرض بتطرح غير بالصبيه ؟ سبحان ربـــــى وهب الصبى ويا الصبيه

## القطة مية الم



قالوا الميه ،،، قولنا حياه نقطه میه ،،، تساوي حیاه الميه نعمه ،،، من ربى سر حياة ،،، الكون وبقاؤه هيه الميه لاتسرف ،،، ابدا ف الميه وان کنت ،،، ع نهر جاری يالا معايا إنتا وهيه يالا نرشد استهلاكنا خاف من ربك راعى ضميرك



وبإسرافك ،،، تضيع الميه ولاترجعش لازم نفهم ،،، سر حياة الكون وبقاؤه هيه الميه حافظ دايما ،،، ع المخزون خليك دايما ،،، ف المضمون ایوه قلیلها ،،، بینعش روح أما كثيرها ،،، بيقتل روح قولوا معايا ثروتنا ف نیلنا ،،، ویحورنا هيه الميه ،، أيوه الميه هيه الثروة

أغلي كمان ،،، من حته ماس

أكبر نعمه ،،، روح وحياه

هيه جمال

للعين والنفس

للرسام ،،، هيه الفن

للشاعر ،،، هيه الالهام

حاسب ،،، حاذر

لا تزول منك

نازله علينام السموات

ربي حفظها بسابع أرض

لازم نشكر الرحمن

صوت الميه

بيروي حياتنا

صوت الميه

صوت حريه الانسان

## م عيد الطفولة الم



هل العيد ،،، هل العيد عيد الطفولة أجمل عيد هل العيد خللي قلوبهم تفرح تسعد بيوم العيد عيد الطفوله اجمل عيد هما زهورنا هما زهورنا وتاج ع رأسنا يالا نهني كلنا بعض بضحكه جميله نخللي الطفل معانا فرحان فرحه تدوم لطول العام فرحه تدوم لطول العام

يالا نغني

سوا مع بعض

نخللي الشمس تطل علينا

بفرحه كبيره

تملا عيونهم ويا وشوشهم

بفرحه كبيره

نفرح سوي مع بعض

نغني

هل العيد ،،، هل العيد

عيد الطفوله اجمل عيد

اليوم عيدكم

قولوا رسالتكم

ده انتوا ولاد

الجيل الصاعد


عاوزين نملا الدنيا محبه ويا امان نشوف الفرحه جوه عيونكم ويا البسمه ع شفايفكم تشوفوا الامن ويا امان الدنيا بقلبي غنوا معايا وقولوا معايا هل العيد ،،، هل العيد عيد الطفوله اجمل عيد


## م عابر سبيل ،

عابر سبيل بالفرح
مش بالحزن ماشى
حتى ملامحه منوره
كضى ليله مقمره
فيها نجوم ملألأه
ونجمه ماشيه
توشوشه طول الطريق
لما النهار ضلم عليه
لمحت عينيه
أنوار وجايه من بعيد
نور الحبيب المصطفى

نادى وقال عابر سبيل يصرخ ومين يسمع نداه صوته يجلجل ف الفضاء یا موحدین بالله الواحد الأحد صلوا على الحبيب قبل المغيب تلاقوا جوه الضلمه نور تهيموا شوقا للحبيب ف نور جماله لقيت طريقي ف غربتی وسکتی فيها الزهور موحده حتى الرمال ويا الحصى دا كل شئ في الكون

موحد بالإله الواحد الأحد ملوا المساجد الله أكبر وكل أرض الله مساجد إسجد وصل على الحبيب إسجد وصل على الحبيب قبل المغيب ادعى وقول ادعى وقول فرج قريب عابر سبيل بالفرح مش بالحزن ماشى





كان في زمان إنسان وشامخ من رجال الله عليه هو الشهامة و الكبرياء أصل الكرم انسان عطوف وجهة بشوش تقول ملاك في رقتة ولا طاوس في كبريائه وشامختة ربه کریم و جاد علیه بکل خیر أصله كمان منسباً مشرفاً قالوا عليه أنه عزيز

بن العزيز الخيرين

خیره کتیر مکنش لیه

كان للفقير فاتح بيوت

واهب حياته لكل شبر بالبلد

لكل طفل او حتي شاب

أخد بإيده موصله لبر الأمان

طريق طويل كله عهود

لربه صانها

رب المنايا و العطايا

سابغام كل نعمه

علیه کان جائدا

لأنه كان محسنا

مترجيا باب الفقير

مقدرش أقول

غير أنه كان

راجل كريم أصله كريم

أصل الرجال ليها صفات

وقت المحن تظهر تبان

الرجال زي المعادن

الأصيل او الردئ

هو كان معدن أصيل

فوق النذهب

----- #عاشقة السفر ويًا القمر #-------- # أشعار # ---

ولما كانوا يشبهوه

قالوا ملاك ف رقته

ولا طاووس

ف كبريائه وشامخته

حقيقي ايوا

ع الاصل دور

هو كان اصله كريم


اصل الكرم

قالوا الكريم ربه كريم

وعمره ابدا

ما في يوم يضام

الله عليه



# الشاعرة في سطور الم



# الشاعرة في سطور الم

عواطف عبدالله درويش مواليد / محافظة بورسعيد عملت / بالتربية والتعليم

.حصلت / على عدد من الدورات الإعلامية

عضو بالمؤسسة المصرية الوطنية للتنميه وحقوق الإنسان عضو أمانة المرآه محافظه القاهره

شاركت بمؤتمر التعليم الموازي لدول الخليج ومصر شاركت بأتيليه الاسكندرية والقاهرة

شاركت بإحياء ذكرى انتصارات اكتوبر بدار الأوبرا شاركت بالعديد من الصالونات الأدبية والثقافية بقصور الثقافة المختلفة ودار الأوبرا المصرية شاركت بالهيئة الوطنية للإعلام

#### صدر لها:

#عاشقة السفر ويا القمر#

عن مؤسسة النيل والفرات للطبع والنشر والتوزيع (طبعة أولى فبراير 2019)

#### تحت الطبع

# مصر واحه النصر #

تمت الطباعة بحمد الله

#### محتوى الكتاب

4	بطاقة الكتاب
5	رؤية الناشر
6	الإهداء
7	قرائى الأعزاء
8	بدون ملام
13	سجينة
16	لما كنا صغيرين
19	مشتاقة ليك
22	رحالة
25	صغرتى
29	ميلاد
32	وانت بعيد

عشت عمری
مااقدرش
عد تنازلی
فراق42
أخاف تنساني
بيهدد بالإنسحاب
مش هااسمحك
قلبى اتوجع
آسفه
ولی خلاص 65
ده قرارك
سامحینی یا أمی
أبين زين 75

<b>78</b>	أمىأمى
80	عواد
83	فلاح يسبح
86	السبوع
90	نقطة مياه
93	عيد الطفولة
96	عابر سبيل
99	كريم
103	الشاعرة في سطور
106	محتو ی الکتاب